

摘藻堂四庫全書薈要

集部

欽定四庫全書薈要

集部

盤洲文集卷一至三

詳校官助教臣謝登雋



欽定四庫全書薈要

盤洲文集

卷一

詩

卷二

詩

卷三

詩



卷四

詩

卷五

詩

卷六

詩

卷七

詩

卷八

盤洲雜詠

卷九

雜詠

山居二十詠

卷十

挽章

卷十一

內制

卷十二

內制

卷十三

內制

卷十四

內制

卷十五

内制

卷十六

内制

卷十七

内制

卷十八

内制

卷十九

外制

卷二十

外制

卷二十一

外制

卷二十二

外制

卷二十三

外制

卷二十四

外制

卷二十五

詞科習橐

卷二十六

詞科習橐

卷二十七

進卷

卷二十八

進卷

卷二十九

賦

銘

贊

偈

雜文

卷三十

記

卷三十一

記

卷三十二

記

卷三十三

碑

小傳

卷三十四

序

卷三十五

表

卷三十六

表

卷三十七

表

卷三十八

表

卷三十九

表

卷四十

表

卷四十一

章奏

卷四十二

章奏

卷四十三

章奏

卷四十四

章奏

卷四十五

章奏

卷四十六

章奏

卷四十七

章奏

卷四十八

章奏

卷四十九

章奏

卷五十

章奏

卷五十一

申省狀

書

卷五十二

啟

卷五十三

啟

卷五十四

啟

卷五十五

啟

卷五十六

啟

卷五十七

啟

卷五十八

啟

卷五十九

啟

卷六十

啟

卷六十一

啟

卷六十二

題跋

卷六十三

題跋

卷六十四

經筵故事

策題

婚書

卷六十五

致語

卷六十六

致語

卷六十七

致語

卷六十八

上梁文

卷六十九

青詞

卷七十

疏文

卷七十一

祝文

卷七十二

祭文

卷七十三

祭文

卷七十四

行狀

卷七十五

墓誌

卷七十六

墓誌

卷七十七

墓誌

卷七十八

樂章

卷七十九

樂章

卷八十

樂章

盤洲曲

臣

等謹案盤洲集八十卷宋洪适撰适字景

伯鄱陽人徽猷閣待制皓之子紹興十二年

中博學宏詞科孝宗初為權直學士院累官

尚書右僕射同中書門下平章事兼樞密使

罷為觀文殿學士知紹興府卒諡文惠事跡
具宋史本傳迺以文學聞望為孝宗所拔擢
其居相位僅三月而罷無所建明不能究其
所學然家居十有六年以著述吟咏自娛史
稱其近世備福鮮有及之者所撰隸釋隸續
皆有本行世而文集尠見流傳惟明張萱內
閣書目有盤洲集八十卷而王士禎居易錄
謂竹垞鈔本止有詩十三卷則藏書家已久

不能得其足本此為明毛晉汲古閣影宋抄
本凡詩十卷文六十七卷樂章三卷篇什具
全悉符原數洵罕覩之珍笈也迺詩文雅令
皆有法度制詞尤工贍得體固不獨其弟邁
容齋三筆所舉張浚免相王太寶致仕諸制
為警策可觀王士禎又以其和景廬野處解
嘲詩但字下注平聲而謂其精說文之學蓋
其博洽雖不及邁而文章實相匹敵當時兄

弟齊名庶幾無愧集未有許及之所作行狀
周必大所撰神道碑及拾遺劄子三篇第三
篇已缺其尾無從核補今亦姑存其舊云乾
隆四十三年二月恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書薈要卷一萬五千七百五十一

集部

盤洲文集卷一

宋 洪适 撰

詩四十六首

擬古十三首

行行重行行

行行重行行
南北各倦游
昔人重別離
一日嗟三秋
如何三秋暮
相見尚悠悠
方寸正紆軫
何以寫我憂
仰瞻衡漢移
俯對蘭菊遂
臭味雖云同
光塵若為異
迴風淒

且發飄我別時袂欲知長相思披衣不勝體

青青河畔草

青青河畔草英英籬邊菊雅雅當牕女濯濯手如玉淵
淵錦中意粲粲未盈幅藁砧天一涯刀頭誤行卜卻鑑
怨新眉誰教遠山綠

青青陵上柏

青青陵上柏櫺櫺庭中竹人壽能幾何譬彼電過目一
觴命暱交且以慰心曲駕言長安游川光晨可掬神州

何赫戲高城，矗延屬嶢榭。干星斗，雕栢錯珠玉，鱗鱗王公第。華纓夾繡轂，放懷恣槃虞。端憂竟誰逐？

今日良宴會

今日良宴會，朋簪故人家。搖情綠綺琴，度曲漁陽搗。放歌掀醉髯，晤語粲春葩。列坐各知心，游揚相齒牙。芬芳須及時，東扶忽西斜。胡不厲逸翮，天津問仙槎。無為甘寂寞，痼疾守煙霞。

西北有高樓

西北有高樓偃蹇軼千門綺櫳納飛月壁璫礙翔雲上
有絃歌女哀聲啟鶯唇誰能為此曲無乃返香人一章
三致意修蛾有餘顰不惜饒清響暗驚梁上塵所悲聽
者心中無涇渭分願作南冥鳥夕飲玉池津

涉江采芙蓉

涉江采芙蓉芳艸蔭幽沚相思不相見芬香欲誰遺秋
容感人心浪浪睫涵淚不如膝上琴哀音入君耳

明月皎夜光

明月皎夜光
瑟瑟扇商籟
衡紀直西躔
雲章斜左界
感彼林薄凋
歲律倏云邁
蜻蛚誰汝憐
悽悽鳴戶外
昔我耐久朋
著鞭道方泰
慰藉繒綺輕
金蘭舊盟改
東井不及泉
須女無儔配
君看貢公綦
白頭愧傾蓋

冉冉孤生竹

冉冉孤生竹
成陰幽谷中
聿來君子室
葛藟施喬松
喬松千百尋
攀附猶可窮
思君江水深
褰裳往難從
同心而偏棲
愧彼摩霄鴻
灼灼芙蓉花
凌波媚芳風
非不努

金
力愛秋至無歸鴻昔盟倘不寒誰歎久西東

庭前有奇樹

庭前有奇樹黃鳥巢其枝之子不顧返失此熙春期采
采未盈朞夕風已紛披路遠悵莫致雖多亦奚為

迢迢牽牛星

迢迢牽牛星奕奕停梭女尋盟整瑤轡緘情遵漢渚欣
讌未斯須別愁眉已度黃月不我留殘機忍重顧翻羨
巫山雲朝朝楚王遇

人生不滿百

人生不滿百，蟪蛄等春秋。花月多風雨，何不蠟屐遊。
朱光忽以馳，退舍未易留。生前一杯樂，難與昧者謀。
臨流羨芳芷，歡言泛輕舟。

孟冬寒氣至

孟冬寒氣至，衝風一何厲。宿楚失故陰，思蟲柱_上哀喙。

客來門冬冬，袖有尺書遺。一讀淚先零，再讀心已醉。
妾如初，開花君如長流水。花挽水回難，水捐花去易。
流水

何時休春榮難久恃

明月何皎皎

明月何皎皎舒光瑩窻綺宛轉羞空床披軒步庭際故
愛同一心新愁今兩耳咫尺相會難迢迢若千里況復
千里隔憂端無窮已

謝洪慶善提刑遺法帖

紛紛渴驥競秋蛇鐫鑱收拾俱名家吾宗尺牘擅天下
年來野鶩誰肩差庭前書帶凝寒綠架上牙籤富新軸

中藏墨妙更奇奇長物不留沾賸馥生平小楷拘蠅頭
豈知蠆尾與銀鈎從今已歎筆成琢學奇還許登門不
春思

自聞郊外景多病負年光沐雨桃容膩耽春蝶興狂幽
期知我背遲日為誰長一枕虛牕寂爐烟續舊香

晚望

古堞高亭暮登臨遠眺時菊房棲渥露荷蓋偃清漪遵
渚歸鴻集投林嘯犬悲關情聊繪句獨立自遲遲

欲雨

雨意泄琴床。桃笙驟覺涼。衝飈方賈勇。藻景薦韜光。去
室憐鳩婦。封閭看蟻王。青燈可吾伴。黃卷任更長。

客至

閉關聽剥啄。有客款蓬蒿。譚壘萬人敵。詞源八月濤。園
蔬供菜甲。盤食餽桃毛。冷淡琴書味。由來屬我曹。

秋懷二首

送喜得新涼。秋情未慙忘。弱枝紅鰓重。平野碧滋長。林

迴蟬初亂籬疎菊自芳
吟成轉蕭瑟徑醉任蒼蒼
愁緒苦縈人寒螢殆叵聞
瓜疇殘蔓去蘭畹秀蕤薰
遠水涵秋態餘霞冠夕曛
揚揚今夜月獨與廣庭分

送人之姑蘇

吳門千里役別話不堪聞
暫發參商歎長懷星斗文
菊叢黃彩亂槐路綠行分
日冀書郵至冥鴻接暮雲

送吳傳朋知盱眙

龜山其下古淮壩上駟駁
駁穩著鞭千里八年開皂蓋

九重一旦下青氊名郎他日曾趨禁靜鎮今朝疊典邊
簪筆侍書公雅意薰風殿閣待誠懸

方福州生日行

雪峰高高雪如許海門潮生浪吞浦郎罷攜罔街西東
到處歡然聞好語舊日大官多養高民詞獄寄充官曹
橫行阡陌喧夜鼓唯征關市析秋毫只今事事無長蠹
五月政成歌召父尺一方來問鳳儀魁三快刷聯鴛羽
三山岌嶭摩曾空便是方丈蓬瀛中他年圖畫凌烟了

却向山中訪赤松

謝唐守送朱櫻二絕句

鈴齋一樹滴堦春
翻走髹盤贈野人
欲進麴生呼伯雅
却無樊素啟丹唇

乳酪醍醐僻郡無
多酸梅子豈吾徒
香擎翠籠青冥出
舊事從誰說上都

答林神童

快覩終童英妙時
蹉然銜袖出明璣
家聲不託大哉問

文律何愁知者希
益利鋒鋌臨大敵
養成羽翼看高飛
紅塵可厭忙車馬
挹取西山爽氣歸

海棠花二絕句

雨濯吳粧膩
風催蜀錦裁
自嫌生較晚
不得聘寒梅

金城

記黎舉常云欲令梅聘海棠
根子臣櫻桃及以芥
嫁笋但恨時不同然牡丹
酴醾楊梅枇杷盡為友

鴨殼非難致
鮫胎業已成
夜深寧覓睡
相照月偏明

張寶

就印錄寶使子弟常巡市乞取雞鴨卵殼雞卵以煮藥
鴨卵以金絲織海棠花名鮫胎蓋醉後畏酒時多用之

瑞香花

袞袞香毬次第開結根幽獨謝紛埃芳容妬入鴛鴦社
異馥清傳錦繡堆睡裏魂交非自行醒時心賞可無猜
品題盡在春林右不是花王喜後來

題信州吳傅朋郎中游絲書

上饒毗俗醇且古千室鳴絃方按堵黃堂丈人今循良
河南治平追鼻祖訟棠留景分清陰爐篆方羊燕寢深
笑談了却邦人事游戲翰墨惟書林自從真行易篆隸
草聖書絕馳極摯游雲驚龍初振奇渴驥怒猊爭作勢

臣中第一茲謂誰寥寥典則其幾希文人尺牘妙天下
咸去收拾生光輝作古要須從我始直欲名家自成體
手追心摹前無人一掃塵蹤有新意縱橫經緯生胸中
落紙便與游絲同綠甕繭車飛白雪織簷蛛網破清風
一行一筆相聯屬姿態規撫駭凡目臨池漫勞三十年
千兔從教後人禿舊聞呂向連錦書百字環寫縈髮如
惜哉涕洟已無考盍使北面稱臺與獨步不復名相甲
端恨二王無此法只今四海書同文使者來求至將押

雪詩用晁無咎韻

密雪舞冬晝祁寒反夏炎竹枝低未濕梅萼瑩先霑怯
冷昂肩立欣繁矯首瞻隨風方北渡際海必東漸軒簸
來如摻繽紛勢轉嚴枯芳新點綴曲砌巧爭添伺隙花
穿戶承隅箸插簷高飛迷皎鶴夜影逼清蟾砧淨綃橫
石牕虛粉雜匳峴丘千壁碎武庫五兵餽烟徑楊吹絮
香蹊蝶奮髯鯨鯢陸骨腐鵠鷺野翎爛白髮秦人遯龐
眉漢尉潛漬蠶功孰及平地瑞初占害卧行人節門局

志士恬已甘穿履困奚避割氈嫌醉慕雙螯畢寒懷五

袴廉飄飄疑宓

闕

刻畫謝無鹽河濶凝新浪峰高失舊

尖山陰賓欲返淮右寇將殲穆滿三章著宣溫五板兼

君恩捐衛粟天意絕齊痞江上簞堪畫籬間警可覘客

觀眸已眩兒咀手頻拈足沒尋萱屐腰閒刈藿鎌馬馳

毛愈素烏啄首難黔凍折騷人筆光臨織婦幃螟牟寧

待去疫癘詎煩砭甲長寒蔬細根肥宿麥纖年豐雖欲

頌神助愧江淹

前韻雖險用之未盡掇其餘復成三百言

一苦寒威重清晨雨脚靈嚴風號宇宙霏雪下閭閻布
地鹽初撒穿帷粉乍黏裴回輕點袖縈積滿盈檐騁巧
飄雖急垂危勢或沾梨花芳小圃桂魄射疎簾煙濕茶
翁竈竿低酒舍帘清泉埋沼沚蒼幹聳梗枏玉匣齊君
履銀封魯國簷盆收新琢壁堦展未裁緇木杪疑飛絮
江干雜秀蕪正隨雲陣合未放日光遲處壯山屠虎高
興澤殫蚬重巔聞折木邃野絕飛鷗隼擊翎添厲鱗藏

口敢噉狼隨姬穆駕鵲集叔才苦授簡詞臣敏乘車海

若謙漢傳王母絳周貢嶠

丘伯切

山甜王駿師方整高昌衆

欲燔漢光開帝業蘇烈貫兵鈴豹曳荆人烏牙抽孫子

籤膚寒方起粟手坼正憂臙挾纊冬裘燠傾壘夜飲厭

寒光欺寶鑑素質奪朱綬犬喜蹄方逞兒餐舌未箱梅

林催皚皚麥壠長蘄蘄置兔難探穴叉魚已溉鵞鴟蹲

飢愈噪馬縮凍難拊見現將消釋歌詩興佞儉妍辭慚

謝客詎敢示羣僉

用雪詩韻謝三外弟見和

我昔攜李寓君方錫山潛欲馳咫尺書缺足無飛廉相
望參與商引首徒遐瞻竭來萍梗蹤遠野得茅簷獲與
譚壘接何詢龜筮占青山整煙鬟澄波開鑑奩喬松與
怪柏如虬老龍髯悠然一望間野色皆可覘范甌飛埃
塵墨突寒不黔好友豈厭頻雞黍供炊爨外家三遺珠
脫穎皆囊尖交情謝流俗不問涼及炎著鞭挹清風從
者屢我淹高論極根源師友識所漸大略推治忽細談

析毫纖皮裏有陽秋褒貶追齊殲古稱學如殖秋成觀
執鯁吾匪董夫子家居下帷幃言經雖敗績寧妨整冠
嫌抽軋強成章句鄙不任拈翫散且艱澁疵瑕費鍼砭
君詩粲珠琲光焰古人無詎覆倉父酒不道胡兒鹽陳
檄愈頭疾杜詞却寒疔輕縑邊幅富健筆鋒鋷語句
既遒麗格律何森嚴我窮思已竭君方涌泉添三峽爭
倒流未肯波瀾恬短才愧非匹尚期膏馥沾吟罷覺夜
永明窓耿孤蟾

讀秦本紀

應侯一語幽宣后長信蒙辜徙貧陽秦室無親類梟獍
借箕詬語亦其常

侯公

淮陰束手九江閒誰信功成頰舌間不惜鴻溝分二國
太公今日得生還

楚懷王

武關謀詐却稱臣冤魄游魂尚在秦墓木蕭條冢猶濕

流聞其子作昏姻

讀戰國策

折足黥徒未易欺
簣中死士亦何為
魏齊斷首龐涓死
禍報由來不可知

讀召公世家

齊晉瓜分四國王
嬴秦為呂芊為黃
六雄當日皆新主
獨有甘棠澤未亡

穰侯

推轂曾聞薦武安
威伸三晉走荆蠻
厠中大彘圖攘奪
猶道藏兵不出關

田單

齊主輕忘在莒時
解裘溜水遽相疑
若無貂勃明勲業
幾使功臣枉見夷

長平

一敗長平振古無
趙邦臣主亦何愚
當時已中馮亭計
猶自區區遣鄭朱

春申君

珠履三千盡在門，爭無國士解銜恩。
棘門難作無遺類，死黨寧聞報李園。

題陳體仁判官休齋

翔纓影組盍中留，綠水芙蓉且漫游。
過耳從教千不是，處心渾欲一宜休。
爐中異馥非多愛，架上新籤弗外求。
寂寂掩扉何所事，飽聽風竹韻涼秋。

次韻陳體仁惠詩并示遊山詩卷

人生名利場羈絆無休假沈迷鴈鷺行夢寐雞豚社見
謂游子欺更妨官長罵何如山中樂松牕肆嘉話陳侯
青雲客英聲蜚日下當年金馬門掉鞅示閒暇小試笑
蓉池未整驪駒駕台嶽十日行樛蘿若相迓來歸探古
囊篇篇可圖畫傾耳金石聲鄭衛敢爭霸

次韻李舉之縣丞秋日偶成

當年使節反穹廬解綬歸來得少娛底事微官又縈縛
強顏文墨受意烏

朝來傾耳得街談頗說塵容亦可慙從事未知三尺守
醉心空向六經酣

官途陸陸未回車秋桂春蘿總負渠目送飛鴻千里去
故山應草絕交書

筆底淵源萬頃多卷中句法不隨波覃思正作青雲計
寡和聊成白雪歌

次韻題謝景思少卿藥寮

壯歲揮金邁二疏眼看餘子伏鹽車芷蘭清馥渾紉佩

芝朮新苗幾荷鋤
剝作好詩傳近體
誰言巧宦勝閒居
北牕睡起琴聲寂
便若身登太皞墟

盤洲文集卷一

欽定四庫全書薈要卷一萬五千七百五十二

集部

盤洲文集卷二

宋 洪适 撰

詩七十一首

蔡瞻明寺丞有詩見簡次其韻

漱芳傾液飽心胸久矣高名在郢中
遂請叢祠方養氣卜居蕭寺且談空
結交許入芝蘭室招飲奚須桑苧翁
妙語鼎來驚創見益慚白豕過河東

酬李舉之

象載凝華落筆工一時英妙盍居中交情耐久惟同味
詩意求新更鑿空揮麈寧談阿堵物聯珠不數嘖嘖翁
文成間被雞林得復有聲名到海東

次韻曹功顯都承賞梅

紛紛凡卉怯嚴冬獨有清姿對雪中拂幌更宜粧嫵媚
巡簷誰憚履穿空南來未見傳聲使東望方思避俗翁
聞道聯鑣得幽趣無因同醉玉西東

次韻李舉之立春四絕句

東皇先遣雪清塵一夜山川眼界新
共喜太平今有象更將歌舞為迎春

三冬文史總空虛獨有施行寬大書
坐對南牆千箇竹何妨留客煮園蔬

雪後疎梅正壓枝春來朝日已暉暉
癡兒公事何時了
一醉花前心似飛

他鄉春日思如何屏去茶甌任睡魔
且得小牕成好夢
片時江上逐烟蓑

次韻蔡瞻明惜花五絕句

底事春愁減玉肌誰能獺髓為扶衰可憐傍巘臨池處
非復嫣然一笑時

無情誰似東風薄相見那思雪夜初欲把紅顏借桃杏
便教枝上白紛如

月地雲堦滿意開牽花準擬尚裴回抗瓊解珮已仙去
駭綠紛紅徒後來

試因子墨賦瓌姿獨記朝容在一披著粉直嫌粧太白

只今何似夢中時

一聲橫笛曉林空
知是春風十日東
來歲花時在何處
採芳還有幾人同

陳體仁以心清聞妙香作詩惠末利花因次韻
為謝

塵勞昏獨志
祿利蠹良心
掃地香一爐
澹然清興深
假寐頃刻間
烟霏遂盈襟
聯翩珊瑚鉤
逼人何駸駸
東風將小雨
一夕池中平
春聲在疎竹
琅琅有餘清
公退遠

世氛心地莫與京寶薰凝窓牖為君尋鷗盟鼻觀拜嘉
貺名香如前聞塵容方一洗藻思期三薰久坐欣有得
飄飄欲凌雲都良與迷迭芳馨此其分英英末利花素
蕤馥清曉誰將煮水沈採擷得奇妙吾非范蔚宗品題
能了了雜佩媿報酬蕪音發嘲笑春日紫宸朝合殿縈
天香玉筍粲風采雞舌相芬芳陳侯金閨彥指期遙鵬
行安能久鬱鬱俛首回剛腸

偶得梅一種疎枝清香附萼之花五出與江梅

無異但花色微紅而五出之上復有一重或十
葉或九葉他日皆並蒂雙實俗呼為鴛鴦梅昔
上林有趙昭儀所植同心梅疑即此也因成四
絕

却月凌風一種香更勻粉面作紅粧枝頭自結鴛鴦社
為倩東風謝海棠

重重香蘂故多情索笑初聞解薄醺翻恨前村雪深處
一枝幽獨太憨生

客子逢花心欲灰，異方初見眼還開。
故應臨水橫斜日，曾作于飛一念來。

開花已作鴛鴦侶，著子還成鴻鴈行。
舊日同心上林種，至今千載亦流芳。

次韻蔡瞻明登巾山三絕句

朝來爽氣冠曾丘，急雨驚風正麥秋。
要得雲軒聊放目，何妨松徑暫低頭。

名韁局促祇懷慚，飄忽熙春月過三。
矯首白雲千里外，

此心無日不江南

好句聯翩得未曾品題今日欠鍾嶸登臨自有江山助
豈是胸中不得平

得二弟消息

倚欄春晝靜花柳自芳香消息三州遠塵埃兩地忙鵲
聲傳近喜鴻影憶初行抄得新書策歸時補墨莊

次韻李舉之風雨中書事四絕句

挂壁鳴琴久斷絃強翻書帙本相便詞源顧我非流峽

藻思如今已挾天

雨勢風聲何太雄
羣山答響亂賁鏞
青奴今夕安用汝
玉友此時留得儂

怒號通夕攪空虛
好夢那能到玉除
枕上泰然無一念
只愁雨滴架中書

向曉登樓凭小欄
蕭然歸興在江干
癡兒未了公家事
且把雲山子細看

次韻蔡瞻明秋園五絕句

芥毛金爪勇難干肯作霜花對乍寒若說乘軒有癡鶴

司晨如此合我冠

雞冠

翔仞當年覽德輝傳芳花品未思歸晚來霧鬢凭軒處

直恐金翹相對飛

金鳳

澤蘭萱草比多言謂汝分陰久奪鮮政恐淇園修竹勁

不如秦嶺老松堅

芭蕉

高標幽艷自宜霜弱草繁葩莫中傷肯與紅蓮媚三夏

要同黃菊向重陽

芙蓉

臨風裛露早秋天
範出南金色更鮮
若向東籬比標格
定知花市不言錢

闕

宿佛窟寺

籃輿登佛窟高閣
望中清古木爾許
蔭飛泉無限聲雨
消今日暑雲作晚
來晴獨對青山久
相逢如有情

過瑞巖寺示勝上人

空照禪師嘗坐一石長喚
主人公自云喏惺惺着此

後莫受人瞞時有瑞氣金輝映燭巖
下因以名巖而號其石曰惺惺石

逗曉亂山中來尋古佛宮
荷間留夜雨松下進秋風
瑞

氣舊如許巖姿今亦同惺惺有盤石應記主人公

惺惺石

簿領久沈迷誰能不忍欺我來慚此石拈出問吾師

滴滴泉

石罅來泉滴松風雜澗聲天明有公事還憶此時清

題靈石寺並簡景思

聞道飛來石當年却畔亡煙杉行

行列之行

客路風竹護禪

房有酒對玉塵無詩夸錦囊塵纓自羈束真賞負山光

夜飲藥寮次景思韻

主人知我樂郊居，藥圃嘉招走尺書。
笑語池邊欣促席，醉歸林下却却去肩輿。
正聞鴈過，後啼後更是風清月白。
初見說長安消息，近却須高興謝鱸魚。

題景思水芝亭

白蓮一名水芝

遠意闕千雲，亭幽不受塵。
來為池上客，本是社中人。
影密龜魚陰花開，
闕山如遂志應許卜比鄰。

黃巖道中

兩日黃巖縣紛然百慮侵乍聽幽鳥語復起故園心冒
熱度峻嶺憚勞休茂林潮來知海近三島可能尋

過妙緣寺聽懷上人琴

斷澗復危岑紅塵且滿襟疾驅觸炎熱小憩得禪林煮
茗對清話弄琴知好音秋風不借便去轍已駸駸

行縣道中寄曾鉉父

雲山初見非昔遊一瞬不許回雙眸二年依州已強半
七月行縣難罷休濺濺微溜響縈谷疑疑多稼光盈疇

兵廚願留一樽酒霜螯醉嚼期中秋

登寧和嶺

嶺屬寧海

初識寧和嶺有懷占夢時聞詩千里隔斷織九京悲草
本應相記烟雲渾異宜西風襲懷抱淚睫不勝垂

懷孫邦求

酒開桑落泛觥觥行子驅車恨不留鴈塔自是丈人行
麟臺更叅儒者流官居二年有十月別思一日真三秋
冰輪今已可人意何時來賞城東樓

宿大龍山寺贈海上人

看山論舊事拂石認前題
雨滑苔徑阻雲收松嶠迷
三秋文豹隱一夜寒蛩啼
又復問程去清遊懷虎溪

大龍山五詠用家君所和胡別駕韻

經藏

萬法俱一空忘筌亦忘字
勿置齒牙間回觀方寸地

龍祠

夾日授五飛論功中興主

龍父有五子建炎末避行幸有功皆封侯賜廟額

宛

宛龍父尊茲山職霖雨

密室

小室坐蒲團死灰念不作所以護明珠精修企先覺

小池

山椒有龍湫清泉日夜流疏巖作方沼漱甘非外求

湯爐

蠲眼候松風雲腴挾霜月爐下豈常炎灰飛即煙滅

懷李氏昆弟二十韻

城南兩佳士英纒名碑砭相之妙才具王筍班中闕胡
為彰長纓去去事輒輒舉之登詞壇龍虎榜未揭歸循
南陔蘭不使芳馨歇胸中蟠五車一一思英發有中清
廟瑟審聲知度越我來貳銀兔接袂俱墨髮情期膠漆
堅門受車馬謁筆陣幾鏖戰君盈我先竭別來勤相思
十日倏飄忽遲明蒙囂塵畢景邁嶢嶢躋高怯肩輿挹
秀欣拄笏泉清甘著齒巖幽冷縈骨西風湧波瀾極望
際溟渤是中三神山縹緲雲出沒問津舊乘槎引舟今

捨筏俛首傾縹瓷獨醉竟兀兀起看天宇開詩成走郵
卒歸與及中秋高樓共佳月

宿廣潤寺書倫上人靈雲庵

靈雲禪師因桃花悟道有偈曰三十

年來尋劍客幾逢落葉幾抽枝自
從一見桃花後直至如今更不疑

寶地深深俯碧潭有僧酌茶延我談千巖狀秀躡風磴
萬竹含翠藏雲庵西來指柏本無著一見悟桃須再叅
登臨已是秋欲半霜葉枝頭纔兩三

摘星嶺

披山鑿道何嶮巖上摘星漢摩虹蜺七襄終日往曾問
一握去天今可躋叱馭已排蘿蔓去下車不復煙雲迷
舉頭此際長安遠願借六翮凌丹梯

交翠亭

政和丙申家君主寧海簿明年作交翠亭是
秋而某生後二十有八年某來貳郡事踰年
行縣至此感舊懷遠賦詩二章

三十年中事鸞棲築小亭寒聲長新籜清閤拂疎櫺水

轉前時綠山濃遠處青重來勤問訊此別記秋螢

三瑞堂

久矣馳魂夢今登三瑞堂故山有喬木近事話甘棠展
驥慚充位占熊憶問祥白雲留未去極望是吾鄉

留別縣僚

滿城鼓吹出林垞珍重來思此日情共說棲鸞留政迹
自憐展驥墜家聲一時宦侶推儒雅百里民編樂治平
山意川容若相挽不堪整駕問歸程

過梁王寺書家君祠堂

舊有道流妄引地記乞廢寺為宮外臺下其事

於州州下之縣家君時攝邑事力為辯明乃寢

生還未列麒麟畫舊德猶懷鸞鳳棲
共問翰林今孰似凜然眉宇染風墜

山行遇雨

天公作意轟雷霆風雨驟至神如兵
翻手為雲只俄頃舉頭見日尤精明
蟻君一戰方奏凱鳩婦復還已和鳴
稅駕欲投佳處所林間隱隱疎鐘聲

蔡瞻明以詩題行邑鄙卷次韻謝之

涼秋野趣已蕭騷方駕看山念我曹十日空歸才每下
一篇來況曲彌高詞華若我慚雌霓筆力惟公掣巨鰲
欲作歌詩興協律清朝今日有王褒

酬李舉之用前韻見寄

閱盡千峰不憚勞歸來文墨厭官曹浮槎問漢秋期近
埋劍星衝夜氣高那復精思如吐鳳初無壯志欲乘鰲
詩壇軒輊歸題品濫得陽秋一字褒

褒字詩已得十二章請各賦其一以足巨黿

紛紛吏道誇吹毛未肯留心效此曹象齒好辭降二妙
鱸魚歸思羨三高吟毫未禿一千兔詩軸須聯十五黿
敢道嚴霜起中夏益知趣韻有龍褒

次韻蔡瞻明木犀八絕句

誰為花王定等差清芬端合佩金犀上林他日移根去
應記詩仙綵筆題

香清為借三秋露葩絢寧禁五日風俯對猗蘭振寒綠

靜看飛葉隕輕鴻

風流直欲占秋光
葉底深藏粟藥黃
共道幽香聞十里

絕知芳譽亘仙鄉

此花亦名十里香

笑含菊彩媚疎籬
巧作葵粧傍曲池
顏色從他矜速肖
芬馨如此孰爭馳

心稟犀文饒地力
體薰蟬影奪天香
圖形好命丹青手
摘句須煩錦繡腸

廣寒秋桂映天池
休說當年折得時
韻勝今逢巖下種

價高寧靳橐中資

簪鬢新枝立晚晴
淡粧異馥稱雙清
夢魂不記前來事
愁逐江潮日日平

黃絹家聲映古今
隨和發彩驚詞林
高樓宴坐清商晚
獨向此花垂意深

盤洲文集卷二

欽定四庫全書薈要卷一萬五千七百五十三

集部

盤洲文集卷三

宋 洪适 撰

詩四十一首

次韻李相之觀溪漲二首

愁霖方注射駭浪忽衝斜宿鳥行驚鴈遊魚目失蝦
夕波奔折木春漲過桃花沸渭今如此誰乘犯斗槎
風聲隨雨急水勢滿川黃巨艦困澎湃窮閭悲混茫為
魚懷雒汭捷竹謝宣防共徯陰雲卷冰輪替戾岡

次韻酬丁致遠司戶

翰墨場中識面初，珠璣粲粲似相如。
盍簪多士登臺省，却掾諸曹親簿書。
白社不妨閒泚筆，赤城更好命巾車。
寸心漉汨方茅塞，快讀新詩得翦除。

次韻蔡瞻明江樓秋晚二首

斜照穿林迴歸雲，斂岫遲蝸文。
寒壁篆蛛巧，暮簷絲待月。
是愁處對山無倦時，掀髯阻談綺細。
讀寄來詩。

竹外秋風急，樓頭夕靄微。
遣懷須命酒，怯冷幾更衣。
嚴

鼓繁城去輕舟劈浪歸登臨多少意墜葉滿庭飛

九日官舍種竹

獨整陳編對北窓烟雲渾欲助淒涼庭前且使竹交翠
籬下從他菊自黃遠宦只今同旅泊壯懷誰復問行藏
攜壺已失登臨便不待微吟恨夕陽

天台道中

灘聲因雨急山勢向雲斜橘綠誰能畫楓丹遠似花春
鋤懷淺水郭索上寒沙漸聽鳴梭近林中三數家

赤城

平生幾讀興公賦今日霞標對赤城此是南門入山路
山祇乞我一番晴

玉京洞

飈輪曾此宅靈仙洞府今稱第六天規往不辭蘿蔓險
回看雲物起瓊田

國清寺

紺宇今方盛名知國已清

李邕寺記云智者嘗夢定光
曰寺若成國必清因以為名

萬松九里影雙澗四時聲

賈島云山門九里松圖經云五峰回合雙澗縈抱天下四

絕之

杖策將窮覽巾車不計程登堂山更好人去曉猿

鳴

光老作更好堂方成而有旨移住靈隱時丈室未有繼之者

清音寺

久坐俯潺湲流清詩思慳跳珠鳴蘚石淙玉下松闌此
日耳塵靜幾人心地閒抽琴作新曲歸去要怡顏

禪林寺

振策快秋晴伽藍倚翠屏看雲不留瞬對竹已忘形銀

地聲千載虹橋拱百靈至今鐘磬響如講淨名經

智者始至

佛隴定光指此曰南峯金地我所居北峯銀地兩宜居之後講淨名經陳郡袁子雄見堂前有琉璃山梵僧數十擎香跨虹橋而來

山中阻雨欲登華頂峯而不果

昔聞天台山一萬八千丈層峯目華頂魂夢幾馳想
竭來乘清秋明發將獨往小雨巧作難祥雲約仍爽風磴
漬苔蘚霜厓亂榛莽崢嶸一何峻梯空不可上便思捐
竹輿徐行倩藤杖老僧揖而言茲山韜萬象舉頭天宇

逼寓目巖扉敞重溟倒寒影萬壑振幽響峽迴啼猿猿
林高隕楂椽仙袂挹浮丘飄然頓塵網今茲風雨時烟
霧接穹壤勁寒或薄人跬步迷俯仰不如遊石梁重來
事真賞斯言既纚纚誠哉非我誑俗駕為之回蕪音不
堪榜寄聲山中靈心期空鞅鞅

石橋

懸磴跨幽崖奔流漱深壑宛然卧蒼龍天巧謝鑄鑿萬
木森前山笙竽真籟作長嘯斥後猿來巢怖烏鵲莓苔

助危梁下瞰心膽落橫前限翠屏峭壁旁如削於此判
塵凡只尺遂綿邈飛錫躡空虛樓臺變林薄寶輝覲華
燈金翰過神雀二年佐銅虎渠能解羈絡茶烹紫雲腴
寒甌散葩萼奇事訂前聞詩成識層閣

雨中宿萬年寺

夢回深夜耿秋燈泉竇爭流一味清過鴈不聞天外影
寒松長送枕邊聲饕風但可久無賴急雨那能使寢行
已問瓊臺雙闕路此心何必羨層城

閑上人覽衆亭

籃輿行盡白雲層，來款禪居得小亭。
亂石引泉歸曲澗，寒風吹雨過中庭。
四旁野色朝昏別，一覽巖姿遠近青。
宴坐蒲團作何想，光陰不復問堯冥。

賀子忱吏部抱膝庵

主人蚤歲抽華簪，隱居時作梁父吟。
于今松牕在人境，空有蕙帳留烟岑。
風來翠篠自搖玉，秋著黃花仍散金。
拂拭塵埃記行役，興來命酒還孤斟。

桐柏觀

屹然雙闕峙瓊臺仰見彤雲郁郁開三井窮源知海眼

六符垂象應天台

徐靈府天台山記曰山上應三台故曰天台三井甚深不測嘗有投綸其

澗綸盡而不及底或云海眼其一今塞或云女人濯手而然

松杉滿道欣初過芝朮

何年得自培更聽鳴泉雜風籟直疑鸞鶴紫霄來

衆妙臺

臺有八稜柱司馬子微朱漆書三體道德經

白雲仙蹟紀琅函三體丹書寶翠嵐欲問仕塗今捷徑

不須高價借終南

石道士妙聲堂

泉溜古今同臨流萬慮空採芝歸絕嶂添竹映疎叢影
漾高秋月聲宜深夜風真清長在耳何用撫孤桐

仙壇院

王子晉壇所

舊聞王子晉雲卧夜吹笙控鶴冲天去松風千古聲

天台觀

芝田環拱碧崔嵬流瀑高從天際來飛沫有風長是雪
寒聲無日不如雷巖前八桂人誰折溪畔千桃路未開

便覺仙都清晝永翻愁歸路染黃埃

劉阮洞

桃花當日未成蹊只有幽禽語翠微楚峽行雲空入夢
秦臺鳴鳳要同飛仙家長若三春好人境何知萬事非
訪問丘園荒舊迹却應回首悔來歸

贈護國昌老

緩轡到禪局高談得細聽茗花泛輕椀烟篆度虛櫺門
外雲千朵軒中水一瓶我來無好語留此待丹青

慈雲祖老相邀至悠然閣倦不克往

幾日陟雲烟危峰懶著鞭聊將臨別意為我謝悠然

明巖寺

路轉霞標外雲開綬帶前幾層山底屋一線竹間泉洞

口石孤聳巖頭峰倒懸故應風雨際行子總迴鞭

臨海記云

寒山有石室前有立石參差如侍衛者
悉五色遠望似綬古今相傳為綬帶山

寒巖寺

峭壁插青冥層巖覆化城空中清磬發幽處慧燈明萬

瓦足雲氣四簷無雨聲豐干不饒舌此地孰知名

寧國寺

幾日山南北端期汗漫遊水痕秋雨過竹色曉烟收
宦海何時了僧房為少留却尋歸去路餘興謾回眸

曉發秦安驛

秋夢不能曉起行山徑迷小車驚宿鷺列炬誤鳴雞
冷覺霜華重光瞻斗柄低金庭有佳處芳桂想幽棲

以糟蟹送曾守

太湖九月霜波寒郭索不幸逢漁蠻誰令骨醉糟丘裏
使我涎流書卷間黃堂丈人思幼玉耳邊不復親絲竹
一杯聊使破愁顏要遣詩情踵山谷

得景嚴弟書

往年同入洛此日各監州慣見浮雲改相思野水流有
書將遠意何處話新愁莫為癡兒事乾螢滿案頭

夢中送妙興寺僧

紹興十六年十月二十五夜
夢息檐山中獨遊旁近處至

妙興寺欲回阻雨寺僧西指云是方霞彩如此
少頃必開霽田家常以為占而東顧凝陰雨下

如注寺前高山樵徑中水爭下流予因並山而南復東折有橋長可二十許丈自深澗聳立巨松每五七步必夾橋蜿蜒枝幹俯就橋上若龍然謂之盤龍橋直東至所憩處時有一僧自妙興相從欲先去口占一詩送之既覺復夢攜家登陸日既高而兒曹尚告未辨家君命趨之見內子方梳櫛而董氏妹解簾授予衣遂侍家君偕景嚴景盧弟步尋近境至一橋畔指西隅有小寺欲往予視所取道頗協向所經行因話前夢而二弟告予此妙緣寺也欲度橋而雨復作予輩欲輟行而家君強之使往疑若彼寺有先世槩其間者家君杖策命一兵張蓋既登岸予踵而前斯橋危甚因返顧二弟勿偕未至妙緣而寤欲驗他日故詩書之

西望霞光東望雲
劃然晴晦此區分
小橋過盡盤龍險

回首高人多謝君

次韻曾宏父探梅未開

梅枝渾待雪山意，漸呼風欲索簷間笑。
那憂徑外窮英辭，窺玉絜拙句愧雷同。
只恐花開日，綸言下法宮。

招曾宏父待雪

欲把詩催雪，先將酒送寒。
凍雲方作意，微霰已開端。
目斷鄉城遠，心驚歲事闌。
擬同今日醉，待取玉花看。

次韻錢處和運使郡齋晚集

風聲止雨歲云暮雪態兼雲晝欲昏共喜高軒歸別墅
肯臨畫戟對清樽埋輪前事空豺路授簡英辭踵兔園
是處梅花寢消息更憑玉藻為招魂

遊蓋竹洞

曉出山城故著鞭荒荒寒日滿晴川幽棲未卜誅茅地
乘興來登蓋竹天霜凝去聲陰崖疑積雪雲躋重障雜飛
煙洞門今古無闕鍵俗客那能見列仙

仙居道中

雪霏方瑞臘雨勢欲凋年此日信泥軼來風侵坐氈為
官渾漫爾行邑又徒然為報仙居令無勞負弩前

寄吳明可正字

歲晚仍多病春來尚異鄉愁城誰與破談壘漫相望體
怯山嵐重心隨驛路長後亭梅若放為寄一枝香

次韻范子芬雪中同訪曹功顯

明朝春琯欲飛葭臘裏重看舞雪斜筆下百篇非事業
樽前一醉即生涯初疑高柳狂吹絮却伴寒梅好放花

踏凍不辭方駕遠
閉門留客更誰家


憶梅呈曾宏父

重憶城東路
盈盈十里梅
彌旬阻風雪
幾處雜塵埃
移律何時酒
泛杯好花那
忍落直待使
君來

題王氏秀野堂

飽聞居處好
遠意快心胸
樹接高低影
山分朝暮容
佳時能自適
閒客幾相從
勿訝題詩晚
新來百事慵

盤洲文集卷三



總校官進士臣胡榮

校對官編修臣楊壽楠

謄錄監生臣莫漢

欽定四庫全書薈要

集部

盤洲文集卷六

四至

詳校官助教臣謝登雋



欽定四庫全書薈要卷一萬五千七百五十四


集部

盤洲文集卷四

宋 洪适 撰

詩五十六首

送范子芬赴浙東機幕


三十富春秋況復才華出輩流傳家不墜右丞相
入幕少佐東諸侯梅花頗惜詩人去草色正牽行客愁
修禊蘭亭訪陳迹應懷同醉仲宣樓

送季元衡教授赴調

三年淹講席斗酒動離情此去登臺省諸公熟姓名
騶看地絕鸞鳳為時鳴春日西湖上煩君一寄聲

送石初平歸四明

惜別梁谿七換春海邊相過意能勤袴襦不羨千金子
簡策無慚萬石君豪氣掀雷須給札他時修月待揮斤
鏤衢又揖東風去情話無人可夜分

送李相之提幹閩中十二韻

官柳訖春事落絮東復西門外高軒過行行將何之七

閩繡衣屬非如州縣卑少留長者轍酌酒語別離五年
官他壤一面即故知辯囿塵仍落詩壇襟屢題撞鐘問
今古遽然五總龜迢迢千里去風過衫裳吹我亦及更
書歸耘楚江涯河梁攜手歎參辰後難期曼倩寧自銜
長卿固同時征途慎勿遽會看軺車馳

題左達功秀才桂香齋

小齋面蓬瀛昂霄得雙桂黃卷對聖賢欣然有餘地筆
端妙言語挾此波瀾勢熒熒百鍊剛自是青萍器衝星

不我識鉛刀且爭利于今修月手益振凌雲氣明年廣
寒宮聲名却詵似歸來八桂鄉浮丘挹仙袂

還李舉之太平廣記

稗官九百起虞初過眼寧論得失誣午枕黑甜君所賜
持還深愧一瓶無

酬光吉叔用前韻見寄

怨鶴今誰侶馴鷗詎可親頗思同淶酒久已厭紅塵歸
夢常通夕微吟漫惜春床頭易在否觸手不應新

次韻蔡瞻明雨中書懷

梅雨冥冥晴復陰
小軒終日起歸心
自憐宦業初何補
獨喜交情久益深
憶得微醺看錦瑟
媿無好語比南金
青山千里江南路
它日郵籤幸見尋

贈傅神陳秀才

舉世人心別端如面
不同山川險難測
筆墨思何工未
索形骸外聊先阿堵中
自憐無骨相不到漢南宮

次韻向憲見贈三首

理財無管晏言利析秋毫吐論千人廢摩空六翮高未
簪安世筆先佩呂虔刀楚澤東風勁寧辭攬轡勞

四望荒樓觀登高動土思山川相映帶桃李已紛披漢
節人重仰黃陂世莫窺三章堆錦繡唐突古西施
河東空有賦人不道揚雄貴賤雲泥隔寅緣井邑同平
番依列宿談笑霽威風終賴帡幪力能成尺寸功

次韻向憲道中偶成

四牡馳原隰侯邦害必除疲民端可念茆舍未如初消

息三春異創痍二紀餘君王心在遠諭意倚相如

聞景嚴弟遷西掖并寄景盧

俛仰梁谿歲幾寒回來墨沼已中乾傳家紫橐榮三子
得路青雲喜二難爵位方知稽古力論思當使覆盆安
自憐骨相宜塵土那得絲言動筆端

次韻向憲留題荆門惠泉卒章見及

對泉一洗心如水誦詩三歎顙有泚字比渴驥駸駸來
文如翠激鱗鱗起皇華轍跡環諸道濟物良籌載襟抱

雙泉復見等故人竹馬兒童半羸老吾君豐澤要下流
慚愧長瀾力不侔一方始此一滴潤千畝長有千鍾收
去瘼未盡惠未施可使剜肉生新瘡塵埃滿面語甚惡
虛辱逢人說項斯

獨步惠泉用石刻中韻

拂崖看古字倚策仰前英雕章細細讀清思源源生文
傳峴山石句敵漢陂行一字或華袞五言有長城林蟬
衆作噪下里羞混并坐令蕞爾國宇內渾知名茲泉發

地脈有玉潛山庭神龍職呵護老蚌呈煌熒楚人力水
耨倚沼仍畦瀛感沸晝復夜輸出無窮聲演迤清漢接
旋折數日程膏潤巨原陌穀價年年平非才忝敷惠下
考乃為縈疲民未擊壤循吏難聯橫獨行挹清泚誰與
論丹誠銷憂賴季雅遣興煩客卿信美非吾土千古仲
宣情

楊元素題蒙泉詩云源有雌雄分碧白注謂南
泉色白為雌因為之解嘲二絕云

小孤寧有匹織女自無家浪比人間世增添白玉瑕
雄風波不動雌霓影空垂欲洗蒙泉謗須刪蜀客詩

曲水

杯去渾無勇退時偶然遇坎亦安之不教坐有獨醒客
便與投醪倒接羅

金蓮

綠衣黃裏水蒼筤朝暮凌波步武齊一種清高樂泉石
移根不肯污塗泥

古柳

異時古木蔽巖阿去盜來兵厄斧柯老柳如龍壽千百
獨全煨燼傲清波

同姚當可胡元質錢舜仁張昭甫遊上泉

避暑遠簿書尋幽踏管蒯寒泉浮玉根巨石開眼界靈
湫幾千年洗盡塵土礙老藤走長蛇茂木欹翠蓋掃葉
坐水旁可喜此風快炎雲不能神潛虬祕奇怪滿酌白
玉鍾噉甘猶沆瀣何如習家池舉鞭同倒載

次韻朱宣州見寄

十載蕭蕭麋鹿姿那知出守得同時
黃山白水空孤諷
疊嶂雙溪屬好詩
擊柝曉傳邾子國
舉鞭春到習家池
只今霖雨思賢佐
曾見絲綸下玉墀

謝景高兄惠魚鱗

霜風激水鱗舍寒
漁火星星清夜闌
不烹五鼎若賒死
使之骨醉尤加餐
尺半之魚鱗六六
同入糟丘隨小牘
鼎來兼味口流涎
可使盤中食無肉
潯陽從事姿南金

高山調古誰知音寧同姪隅作蠻語生憎郭索多躁心
簷頭雪消春有意洗盞開尊宜一醉持螯頗憶左手同
尺素不妨時遣使

送唐左史紙墨

黃山奇峰三十六聳壑壽松多節目真工曲突掃芳煤
介圭拱壁陳玄玉淙河千里茲濫觴萬穀之皮搗冰霜
肌理細膩色白皙蜀網刻藤難鴈行使君來自岷峨麓
曾賦客卿朝奏牘細字不作蠅頭書高文富有牛腰軸

向來平步第一螭勇退宛在番之湄陶泓毛穎幸旅進
快寫元和聖德詩

送李泉

周人九府有圜法漢京金布在令甲炊炭冶鎔多亂真
紛紛輕薄如榆莢即山不復私下臣張官置吏幾王春
君子謂之阿堵物方兄不知何許人十羊九牧其弊近
談何容易趣銷印事權頓使歸民曹鼓鑄伊誰察諸郡
詔書懇懇修廢官諸公爭言隄度難向來矯枉亦太過

疇咨英俊乘輜軒鼎新能事推心計貫朽不須夸古始
共瞻使者振繡衣曾見真人興白水荀卿自有富國篇
高視管蕭宜並肩錢流地上小術爾便合論思雨露邊
江州塵外亭

使君人物風塵表亭下纖埃遠白蘋佳傳緬懷方外友
漫郎端是社中人山光水色長排闥鵠侶鴻儔已卜鄰
莫語軟紅車馬客香鑪峰下有遺民

喜景徐作小圃因懷東閣二絕句

數頃澄湖練有光
小亭處處得踈篁
夢中春草多佳句
一洗塵埃速寄將

白白朱朱手自栽
兩年憶著滿林開
莫教童稚輕攀折
惜取濃陰待我來

次韻董伯魯

讀破羣書有遠謀
逢時便可動凝旒
不辭巖邑千山險
肯作鈴齋十日留
辯舌未容蠡測海
歸心已夢蝶為周
松關萬一逢佳友
為說相如故倦游

端午日應賢小集戲用坐中語

短檠長憶桂巖東
翰墨新來莫論功
日日簿書成俗吏
星星鬚髮逼衰翁
公餘難緩三人帶
小壘聊吟一馬騁
共飲菖蒲修故事
山肴野蔌是家風

次韻黃子餘惠雙井茶二首

荻花楓葉醉為鄉
每憶臨分一鼎香
枉費光陰驚老大
略無治行愧循良
歸心來往雞豚社
清思消磨鴈鷺行
且喜絃歌餘樂地
好詩句句挾風霜

峰橫萬仞臨雙井調護旗槍春怕深白雪有芽鷹作爪
黃梁無夢蝶何心聞名可信非虛語知味端如賞好音
祇欠谷簾一杯水未能相就盍朋簪

送范至能

愁雲暗千山欲雪意未歇雨脚侵夜分鷁首勇朝發軟
紅英俊林定不冗干謁磊磊胸中書高談傾上笏結駟
映天街登瀛有仙骨摩娑先友碑姓名或湮沒却顧浮
丘亭寄聲頻日月

次韻王偉文二首

山城碌碌負魚符尺五家園好坦途可惜光陰迷簿領
漫無惠露到樵蘇雞豚小社元相接鷗鷺新盟不敢渝
莫話彈冠仍結綬祇宜襁襖與夫須

銜石難夸和氏場揮犀久避蓋公堂筆端風雨真無敵
紙上寒溫細作行結屋競傳千畝竹奉祠聊對一爐香
朝中環賜無虛月遙想眉黃已效祥

次韻程觀過

山城寂寂簿書稀
梅際春風一夜歸
忽喜烹魚中有得
恍然揮麈久相違
折腰豈愛蘄州竹
問漢須尋織女機
奇絕黃山待佳句
何時小雨濕征衣

和州

歎息和州事
烽烟未易除
驚濤飲塞馬
壯士葬江魚
列戍俱奔命
斯民不奠居
元戎猶擁鉞
資斧定何如

三將

鼎立淮南將
朝來競退師
折衝潛白羽
告捷鬪黃旗
已

報瓜洲敗還驚采石危邊防恃天塹百萬豈熊羆

盜賊

盜賊縱橫甚妖星近日畿俄聞佛狸死不得帝羝歸虎
旅空增竈狼狐為解圍人人說恢復進退在投機

詹氏仁壽軒

修竹林林貫四時厖眉扶杖到期頤子孫長憶當年事
留取軒楹客賦詩

道中懷景廬

官路多睽別春遊隔弟兄頻年再登陞十日又離京吏
責倉臺少官曹省闈清床頭何夕月冷話聽殘更

闡陽驛二絕句

略略春晴天亦慳雷驚雨作轉頭間浮雲又逐東風起
不見前山出髻鬟

觸石泉聲高下聞曾將兩耳洗埃塵相逢尊酒今誰侶
細草青花是故人

次韻范守翠微亭

帶郭長堤十里春是中佳處外風塵層層危磴渾依舊
一一高亭已斬新領略江山初縱目剪除荊棘不勞神
攜壺一笑須投隙官事何時可脫身

次韻施德初遊齊山

詩塵誰復數齊梁小杜文章楚大邦曾為黃花酬九日
至今陳迹擅三江新亭高下依喬木遠岫參差倚曲牕
著屐與君時茗飲後車何必酒盈缸

再賦

向來塞馬遠跳梁奔命紛紛不一邦景物何期新斲壑
夢魂猶自怯防江看山小隱紅簾幙批敕須臨青瑣牕
無事肯來文字飲為將濁酒倒鵝缸

喻江寧欲遺蘄笛辭之

蘄州美竹今古名白雲吹裂笛一聲懼儒所對筆墨客
長物虛尋疎比僧還君不用君莫怪綺牕辨得千金買
誰與移根到草堂它日風來聽天籟

烈士

烈士死知己交情重同心反眼如不識怨深恩更深憶
昔邂逅初一諾百黃金口血顧未乾舊盟何許尋

景盧自右史假北門出壘再用前韻

旌節螭坳出青氊映父兄天方扶漢鼎人已望神京使
指今茲重邊塵定可清歸來陳口伐連燭問嚴更

聞應賢景高文持少張景孫同客景盧官舍

使回親舊集虎穴問穹廬半夜櫪喧馬高秋盤進魚真
成聚東井誰復話南徐底事桃源客新來書也踈

左舉善求草堂詩

孤山佳處著茅廬飽看雲烟自卷舒
莫向淮南戀戎幕松關恐有絕交書

次韻景裴贊喜農扈之除

北固金焦顧眄中裴回於此再踰冬
徒勞金穀供諸將未有田園問老農
且喜邊亭罷歐脫不須水戰習蒙衝
九卿已愧班行忝敢向明時歎不逢

答木縕之用前韻見寄

魁星秀句挾東風便覺陽春變盛冬
媿我供軍儕絳灌
羨君汲古到羲農
北鄰再講衣裳會
京口今為冠蓋衝
已具扁舟勇歸去
祭花清論度難逢

得江樓

官事何時了憑高思豁然
逐江開北戶望岫頓修椽
繁卉渾相亞新篁便可憐
歸心入春夢已遶故山前

花信亭

解報花消息江邊有好風
吹香四時別問訊幾人同
梅

塢難藏白桃蹊豈借紅但能長檢校定不酒尊空

小雨同裴弟深甫堅上人登新亭次韻

移梅種竹趁陽春舉目江山發興新曲檻疎牕那草草
飛簷碧瓦已鱗鱗傳來好語酬佳景更有高僧話淨因
步屨踟躇烏亦喜不嫌風雨墊冠巾

春雪再作戲成絕句

常年窮臘無一白盈尺冬來已屢書底事天公太手熟
又同春絮到堦除

寄題陳阜卿總秀堂

佳麗并包地曼花子夜香望中團野色塵外發天光小
隊高牙駐輕裘清嘯長故應堂上燕相與賀雕梁

盤洲文集卷四